

Koperasi kenal pasti golongan ketinggalan

Kuala Lumpur: Koperasi perlu mengenal pasti kumpulan yang tertinggal dalam pergerakan sumber dari luar bandar ke bandar.

Menteri Kewangan Kedua Datuk Seri Ahmad Husni Hanadzlah berkata, koperasi harus ditubuhkan dalam kalangan belia, wanita, pesara dan golongan kurang upaya.

“Bagi luar bandar, koperasi perlu memainkan peranan penting meningkatkan pembabitan mereka dalam sektor pertanian dan program pembasmian kemiskinan.

“Ia menyumbang ke arah mengekalkan pertumbuhan dan meningkatkan pendapatan penduduk luar bandar,” katanya ketika berucap merasmikan Pameran Perdagangan, Persidangan dan Padanan Perniagaan Koperasi ASEAN (Acotex) 2015, di sini, semalam.

Acotex 2015 yang berlangsung dua hari dianjurkan bersama dengan Maktab Koperasi Malaysia (CCM) dengan tema ‘Transformasi Koperasi dan Cabaran Kepimpinan’.